



## Universitätsbibliothek Paderborn

**Francisci Baconi Baronis de Verulamio, Vice-Comitis S.  
Albani, Summi Angliæ Cancellarii, Opera omnia, Quæ  
extant: Philosophica, Moralia, Politica, Historica ...**

**Bacon, Francis**

**Francofurti ad Moenvm, 1665**

LVI. De vicissitudine rerum.

**urn:nbn:de:bvb:12-bsb10497643-5**

Deinde, ut antea diximus, decerpendo, & inculcando, quicquid *contemptum* arguere aut aggravare possit. Rursum, *ira* sedatur per contraria hisce. Primo deligendo tempora serena, & ad hilaritatem prona, in quibus negotium aliquod ingratum, & ad iracundiam provocans, aperias; Prima enim impressio plurimum yalet. Deinde, ut, quantum fieri potest, *injuriam à contemptu* segreges; eam imperitiæ, timori, animi concussoioni repentina, aut simili cuiquam imputando.

LVI.

## DE VICISSITUDINE RERUM.

**S**alomon inquit: *Nihil novum super terram.* Itaque quemadmodum Plato opinatus est; *Omnem scientiam nihil aliud esse, quam reminiscientiam:* Sic Salomon pronunciat; *Omnem novitatem nihil aliud esse, quam oblivionem.* Ex quo cernere possis, fluvium Lethes, non minus super terram, quam subter terram, decurrere. *Astrologus* quidam abstrusus, & parum notus, afferit: *Nisi in causa suis sententia duo constantes, (una, quod stelle fixe & aqualem inter se distantiam perpetuo servent; nec unquam propria fibi invicem accedant, aut longius à se abscedant; altera, quod motus diuinus non variet;) ne momentum quidem temporis individuum aliquod durare potuisse;* Illud certum est, *materiam in perpetuo fluxu esse, neq; unquam consistere.* Atqui, magna illa *lantea sepulchralia*, quæ omnia obliuione involvunt, duo sunt: *Diluvia, & Terra-motus.* Quatenus ad *Conflagrations*, & *Siccitates* magnas, illæ populum penitus non absorbent, aut destruunt. Fabula *Phætonis*, brevitatem conflagrationis, ad unius tantum diei spatium, repræsentavit. Atque trienialis illa à *pluvia cessatio*, tempore *Elias*, particulatis tantum fuit, & multos superstites reliquit. *Incensiones* illas loqueris, quæ per fulmina & fulgura apud *Indias Orientales* sunt? Angustæ quidem sunt, nec magna spacia occupant. *Pestilentias* etiam prætereo, quia nec illæ totaliter absorbent. Verum in memoratis illis duabus calamitatibus (*Diluviorum, & Terra-motuum,*) supernotandum est, reliquias populorum, quas emergere contigerit, plerunque homines rudes & montanos esse; quique temporum præteriorum memoriam posteris tradere non possint; Adeo ut oblivio non minus omnia involvat, quam si nulli proflus superstites remaneret. Si quis attente introspiciat *Indorum Occidentalium* conditionem, probabile reperiet, eos populum juriorem esse & recentiorrem, quam populos orbis veteris. At longe verisimilius est, defoliationem illam, quæ illos olim invaserat, minime per *Terra-motus* factam, (contra, quam narrabat *Sacerdos Aegyptius*, in colloquio cum *Solone*, de *Insula Atlantide*: eam, scilicet, à *Terra-mota absorptam esse*) sed potius per *diluvium particularare*. *Terra-motus* enim in illis Regionibus raro eveniuntur. Verum in contraria parte, tam immane plane & vasta habent flumina, ut fluvii *Asie, Africa, & Europe*, præ illis, instar rivulorum sunt. Quin & *Andes* ipsorum, sive *Montes*, nostris longe sunt altiores: Unde credibile est, reliquias stirpis hominum apud eos, post tale *diluvium particolare*, conservatas fuisse. Quantum vero ad observationem *Machiaveli*: nimis, zelotypiam & emulacionem Sectarum, ad extinguendam ruin memoriam, multa molitam; qui *Gregorio Magno* notam inuitit, ac si pro viribus suis Anti-

quitates omnes *Ethnicorum* suppressare annixus fuerit: Non video certe, hujusmodi zelos aut notable quidpiam efficere, aut diu durare: Id quod liquet in successione *Sabiniani*: qui antiquitates easdem statim resuscitavit: Tum vero prohibita, licet tenebris cooperata, obrepunt tamen, & suauiscuntur Periodos.

*Vicissitudines* sive *Mutationes* in *Globo superiori*, fusus, in hoc Sermone, tractandæ non sunt. *Forsitan, Annus magnus Platonis*, nisi Mundus ante dissolutionem effet destinatus, aliquem sortiri posse Effectum; Non in renovandis corporibus Individuorum; (Id enim fumus & vanitas eorum est, qui opinantur, corpora Cœlestia accutiores in hac inferiora habere influentias, quam revera habent) Sed tantum in summis & massis rerum. *Cometa* proculdubio aliquid operantur super easdem summas & massas rerum; verum, homines, ut nunc est, indiligentes, aut curiosi, circa eos sunt; eosque potius mirabundi spectant; atque itineraria eorum dem conficiunt, quam Effectus eorum prudenter & sobrie notant; præcipue Effectus eorum comparativos: id est, *Cometa* talis magnitudinis; talis coloris & lucis; conversionis radiorum; situs, quatenus ad Regionem cœli; tempestatis anni, semita aut cursus, durationis; quales producat Effectus.

Leviculum quiddam est, quod olim inaudivaram, neque tamen proflus contemni volo, sed in observationem aliquam venire. Ferunt, à *Belgis* notatum esse, singulis septenis lustris, similem annorum temperaturam & tempestatem cœli velut in orbem redire: Exempli gratia, *Magnas glaciis, inundationes magnas; magnas siccitates, hyemes tepidas, æstates frigidiores; & similia.* Vocant autem hujusmodi Circulum annorum, *Primam.* Hoc autem ideo recenseo, quod oculos in prærita conjiciens, hujus rei inveni congruentiam, haud exactam fane, sed non multum discrepatem.

Verum transeamus à *Naturalibus* ad *Humanos*. Maxima apud homines *Vicissitudo*, est illa *Sectarum & Religionum*. Hi enim Orbis animis hominum maxime dominantur. *Religio* vera super *Petrarum edificationem* est: reliqua fluctibus temporum agitantur. Dicamus igitur de *Novarum Sectarum Causis*: atque *Consilia* aliquid circa cas inspergamus; quatenus humani ingenii infirmitas tantis revolutionibus moras injicere, aut remedia exhibere poterit.

Quando *Religio* recepta discordiis laceratur; sanctitas item professorum labefactata est, & scandalo exposita; simulque tempora stupida; indocta & barbara sunt; à *Nova* alicuius *Sectæ* ortu merito metuendum; præcipue, si eo tempore *ingenium* aliquod intemperans, & *Paradoxa spirans*, subiatur: Quæ omnia tenerunt, *Mahometes* cum *Legem* suam promulgavit. *Secta nova* licet pullulet, duobus si destituatur adminiculis, ab ea non metuas; non enim late se diffundet. Primum est, *Imperii*; sive *Auctoritatis* stabilitate oppugnatio: Nihil enim magis populare est, quam Principatus, & Politias, convellere. Alterū est, *Porta luxuria & voluptatis aperta*: Hæresis enim speculativa, (qualis fuit olim *Arianorum*, & hodie *Arminianorum*) est in hominum ingenia miris modis operentur, statum tamen Rerum publicarum non magnopere concu-

concurrent, nisi ex occasione motuum Civilium. Modi tres sunt, quibus *nova Secta* plantantur: *Miraculis*, *Eloquentia*, & *Gladio*. Evidem *Martyria* inter Miraculam numero, quoniam vires naturae humanae excedere videntur. Idem etiam facere licet de excelsa illa & admirabili *vita sanctissima*. Certè, non alia melior via est ad *Sectarum* & *Schismatum* ortus repellendos, quam abusum reformatio; dissidiorum minororum pacificatio; leniter à principio procedere, & à sanguinariis persecutionibus abstinere; Schismatum denique *Coryphaeos*, favoribus potius & dignitatibus molire atque allucere, quam violentia & saevitia exacerbare.

*Mutationes* & *Vicissitudines* in *rebus bellicis* haud paucæ sunt: Sed præcipue in tribus versantur: In *Sede belli*, in *Genere armorum*; & in *Disciplinam belli*. *Belli*, antiquis temporibus, movere videbantur ex *Oriente* potissimum in *Occidentem*: Etenim *Persa*, *Affyri*, *Arabes*, *Sytha*, (qui invadentes erant) omnes Orientales fuerunt. Verum est, *Gallos* fuisse Occidentales; Sed de duabus tantum ipsorum incursionibus legimus: Una in *Gallo-Graciam*, altera contra *Romanos*. Attamen Orients & Occidens cœli Clima non determinant; neque etiam *Belli motus*, ab Orienti, aut ab Occidente, aliud certa observationis recipiunt. Sed Meridies, & Septentrio, natura fixi sunt: Atque raro in omni memoria inventur, Meridionales interiores invasisse Septentrionales: sed è contra. Unde manifestum est, Tractum Mundi Septentrionalem, natura ipsa, magis esse *bellicosum*: Sive hoc ascribi possit hujus Hemisphærii Stellaris; sive amplitudini continentium ad partes Septentrionales, cum partes Australes (quantum adhuc innotuit) maria ferè occupant; sive (id quod manifestissimum est) frigoribus Climatis Borealis; Nam hoc ipsum, absque alia causa quacunque, corpora induat, spiritus inflamat, ut liquet in populo *Auracensi*: qui ad ulteriora *Austri* positi, omnibus *Peruviensibus* fortitudine longè præcelunt.

*Imperio* aliquo magno *labascere*, & in viribus fracto, pro certo *bella* expectes. Etenim *Imperia* magna dum in vigore sunt, Copias nativas Provinciarum encrvant & destruunt, propriis cohortibus domi fidentia; Cùm autem & illæ deficiunt, omnia ruunt, atque alii Gentibus in prædam cedunt. Hoc evenit in declinatione *Imperi Romanus*: atque etiam in Imperio Occidental, post *Carolum Magnum*, cum aves singulæ plumas suas repeterent: Atque simile quidpiam etiam *Imperio Hispano* contingere possit, si quando viribus decideret. Ex altera parte, *accessiones* magnæ *Ditionum*, & *uniones Regnum*, similiter *bella* suscitant: Etenim, cùm Status aliquis in potentiam majorem infurgit, similis est fluvio intumescens, qui inundationem statim minatur; ut videre est in *Imperiis Romanorum*, *Turcarum*, *Hispanorum*, & aliorum. Attende: Cùm Mundus Nationibus Barbaris minus abundet, sed civiliores ferè sunt: Qui uxores temerè non ducent, nec liberos progignent, nisi modum familiam alendi, aut saltē victum parandi, præviderint: Cūt fit in omnibus propè Nationibus, hodierno

die, exceptis *Tartaris*: non ingruit periculum ab *Inundationibus* aut *migrationibus Populorum*. At cum populorum greges magni sunt, qui perpetuò sobolem suscipiunt, de fortunis & sustentatione sua in futurum minimè solliciti, necessarium est, ut in sacerulo uno aut altero portionem aliquam multitudinis suæ exonerent, & novas fedes quærant, & sic alias *Nationes* invadant: Quod *Populi Septentrionales* veteres forte facere solebant, fortis dantes; quæ pars domi maneret, quæ autem aliò migraret. Cùm *Gens aliqua* prius *bellicosa*, ad mollitatem & luxuriam degenerat, de *bello* certa esse possit: Status enim tales, plerunque dum degenerant, opes accumulant; adèò ut præda invitet, & declinatio virium animet gentes alias, ad eosdem invadendos.

Quantum ad *Armorum* & *Telorum* genus: Illorum mutationes sub observationem vix cadunt. Attamen & hæc ipsa Periodos & *Vicissitudines* suas fortuntur. Pro certo enim est, *Torrenta ignea*, apud *Urbem Oxydracarum* in *India*, tempore *Alexandri Magni*, cognita fuisse; eaque à *Macedonibus*, *Tomirua*, & *Fulgura*, & *Operations Magicas*, habita & appellata. Similiter, indubitatum est, usum *Pulveris Pyri*, & *Torrentorum ignorum*, *Chinenibus*, ante annos bis mille, innutuisse. Conditiones *Telorum*, & mutationes in melius, hæ sunt. Primo, ut ad distantiam majorum feriant: Id enim periculum, ab hostili parte, anticipat: quod certè *Torrenta* & *Sclopeta* majora prestant. Secundo, ut impetus eorum fortior & validior sit; in quo genere *Torrenta ignea*, *Arietationes* omnes & antiquas machinas item superant. Tertiò, ut usus eorum commodior & facilius sit. Id quod etiam *Torrentis ignis majoribus* competit: qua omnibus tempestatibus idonea, vectura levia & mobilia sunt; & his similia.

Quod ad *Militiam* attinet: Antiquis temporibus numerum præcipue curabant; virtuti & animis militum, in bellis gerendis, fidebant: dies sapientius & loca præliandi constituebant, & æquo Marte experiebantur; denique in acie instruenda & ordinanda imperitiores ferè erant. Postea, numerum præoptabant, commodum potius quam vastum; locorum opportunitates, diversionum artificia, & similia, captabant; postremò, in acie ipsa instruenda peritiores evadebant.

In Reipublicæ aliquis *adolescentia*, arma florunt; ætate media, *Literæ*; ac deinceps, ad moram aliquam, duo illa simul florere solent: devexa autem ætate, *Artes Mechanica* & *Mercatura*. Literæ verò suam habent infantiam, quando leviuscule sunt & pueriles: Sequitur earum adolescentia, quando luxuriantur, & juvenile quiddam sapientia: Succedit ætas virilis, quando solidiores & exactiores deveniunt. Postremò senectus carum obrepit, cum siccæ & exhaustæ fiunt; manento tamen garrulitate. Verum consultum non fuerit, in rotas hasco *Vicissitudinum* nimis longum oculos figere, ne vertigine corripiamur. Quatenus verò ad *Philologiam*, quæ in hoc Argumento, ut plurimum, verfatur, nihil aliud est, quam *Narratiuncularum* & *Observationum* futilium congeries quædam; ideoque Scripto huic minime congruit.